

Ufficio Stampa della Provincia autonoma di Trento

Piazza Dante 15, 38122 Trento

Tel. 0461 494614 - Fax 0461 494615

uff.stampa@provincia.tn.it

COMUNICATO n. 349 del 17/02/2025

Se à serà su i trei dis de scontrèdes endrezèdes ti paijes de la Val de Fiem

Nef ospedèl, na gran adejion al prozes partezipatif

[Ladino] Per trei seres, i sentadins de Fiem, de Fascia e de Cembra, valèdes enteressèdes dai lurieres per frabichèr la neva struttura sanitàera, i à podù se palesèr e scutèr i detaes de chel che l é vegnù fora endèna la sie scontrèdes tematiche a cheles che à tout pèrt, anter november e jené, i raprezentanc de la categories tecniches (architec, enjegneres, dotores, infermieres), e i raprezentanc del setor ambientalist, culturèl, economich e del volontariat.

“La scontrèdes co la jent, desche ence i etres momenc endrezé tel chèder del percors de partezipazion, bensegur i à abù fazion”, chest l coment del assessor a l’urbanistica, Energia e Trasporc de la Provinzia de Trent, Mattia Gottardi. “I à dat l met de smaorèr la consaputa de cotant che la situazion posse esser complichèda e donca de la gran cantità de faores che ge vel conscidrèr canche se dezidarà. Amò apede, l é ence la desmostrazion che per chel che vèrda l’argument del ospedèl de la valèdes de la Veisc, no se vel se imponer”.

A la trei scontrèdes, endrezèdes a Ciavaleis, Pardac e a Tieser, à tout pèrt presciapech 200 jent en prejenza. A chisc se n’à jontà ite amò presciapech 300 che à tout pèrt al event en direta en streaming sul canal Youtube de la Provinzia.

Te ogne scontrèda i sentadins di desvalives comuns à podù se palesèr dintornvia i criteries de localisazion del nef ospedèl. I intervenc i é stac n muie, da chi che l é vegnù fora che, sun sacotenc aspec, la jent la é a una: tropes à domanà che l nef ospedèl l vegne fat su demò do da na vijion chièra de la doura del veie frabicat de Ciavaleis e che ge vel schivèr de durèr teren, te n teritorie olache l om à jà fat su tropes frabicac e cèses, acioche l ecosistem no l vegne danejà amò de più e no vegne cavà etres terens rresservé a l’agricoltura.

Tel medemo temp i sentadins i à domanà che l ospedèl l vegne coleà miec che l é meso tel sistem sanitàer local, arseguran servijes e personal adatà, percheche demò la localisazion, da soula, no l é la soluzion al problem de gestion de la cures che serf, soraldut te la situazions più ries. En cont de chest l é stat domanà più outes de troèr fora arees da durèr desche cèses per infermieres, praticanc, e per altra figures sanitàeres.

“De gra a la proponetes vegnudes fora, che les vegnarà registrèdes e cataloghèdes, luraron fora l prum document che l ge vegnarà portà dant per na valutazion a la Jonta provinzièla e che do l ge vegnarà portà dant a la comunità teritorièla de Fiem per tor la dezijion definitiva”, à despiegà Giovanni Gardelli, dirigent del Dipartiment Urbanistica de la Provinzia.

Per se palesèr e tor pèrt a la dezijion de la localisazion del nef ospedèl, i sentradins à amò doi setemènes de temp: scin ai 28 de firé, de fat, i podarà portèr dant proponetes e osservazions che les vegn publichèdes su la piata del prozes partezipatif ([chiò](#) l link a la osservazions ruèdes ite). Su la medema piata l é ence a la leta duc i ac e i documenc da tor ca per poder se palesèr a na vida razionèla e con consaputa.

Desèria service video intervistes drucan chest [link](#)

Intervista assessor Gottardi

<https://www.youtube.com/watch?v=KuxkRIIadAU&t=1s>

Intervista Gardelli

<https://www.youtube.com/watch?v=kQjx3nQjjJs&t=5s>

Traduzion di Servijes Linguistics e Culturèi del Comun general de Fascia

(cdt)